



中國地方志集成

寺觀志專輯 ⑭

幽 溪 別 志	解 空 寺 鎮 基 錄	雲 門 顯 聖 寺 志	越州清化廣利禪寺古今開闢志書	儺 山 儺 心 寺 志	雲 門 志 略	北 天 目 靈 峰 寺 志	惠 雲 寺 詳 考	金 粟 寺 志
------------------	----------------------------	----------------------------	----------------	----------------------------	------------------	---------------------------------	-----------------------	------------------

金粟寺志

(清) 佚名 撰



是已則又若干年哀帝使使大月浮屠經又若干年
然而祇堂梵林敷示未廣有之始吳大帝赤烏間江
南三刹皆是康居神師僧會所創則不知又若干年
三刹者一金陵之保寧一太平之萬壽一即吾鹽之
金粟今費隱和尚法席也凡所計若干者大約不下
千百載數嗚呼繇鹿野苑至跋提河繇竺乾至震旦
廣大世界始構茲宇佛法之有金粟豈易事哉且又
若干年荒樞頽楯而已神祠墊祀而又若干年唐司
空曙劉長卿顧况皆遊其址本朝王陽明董蘿石張
芳洲王沂陽題壁隱隱然亦不遍單山秀麗複水迴
蕩而已至萬曆天啓名師宿耆始涉經之密老人自
天台應請携杖南來披榛斲石木幾錡錫四集龍象
盈千化灌莽為寶坊更烟樞為雕甍自非聖智何以
致是其嗣石大師克續厥緒費和尚復耀前光於是
海赴雲蒸聲動荒焚來者于處處者熙熙皆言叢林
之盛無過於昔日之天童今日之金粟者嗚呼其所

歷若干者又不知幾乎自風雨而瓦礫自像教法筵
至於宗風大匠繼體傳立金粟之有今日又豈易事
哉繇前二十年而論雖有金粟等無金粟也有金粟
至於十百餘年而與無等康僧之靈不大侗乎保寧
萬壽之為寺名京列羣車輪馬蹄金粟之山獨凜寒
流澗松落木既有保寧萬壽而不能不有金粟康僧
之功可深思也二刹之繁臺璇室道化蕭然金粟之
崇室巖場風機特壯有金粟而不能復數二刹則密
老人與二師之功不可及也然有今日之金粟而追
千百年以前之不可無金粟康僧之靈不以大慰乎
予是以因金粟而推佛法之至中國中國而江南
江南而是赤烏者明康師立功之難成因佛法而紀
金粟之銅礫煙礫而神通神通而像法像法而叢林
成居宗匠者又所以明費師道之化難遇且願夫聞
吾言而信其難者亦曰正其始而開厥宗者吾身幸
及見之矣千百年之盛事不在茲乎固安得不振衣

鼓襟難之想而祛妄趨真進難行之事哉侯其
志成效序寤附贊歎之烈有如此時

崇禎癸未七月吉旦武原吳麟徵拜撰

三

金粟寺志續集凡遺失及新增者隨得隨續不拘次第

嘉靖壬辰重陽日王沂陽子南遊海上諸山記節畧
云登舟次茶院遊金粟山登僧樓觀陽明先生詩磨
之書左方倚闌南望群峯拱抱起伏若城堞然下樓
觀門傍豐碑因感康僧神異曾寓此暑月施茶故名
茶院明日進舟遊茶磨山舟次山下舍舟登山山若
磨以近茶院故名澈志云黃巢屯兵處下苦磨盤殆
營垣云

曹洞宗天童覺下法智禪師初居常州善權次遷金
粟上堂云明月高懸未炤前雪眉人凭玉欄干夜深
雨過風雷息客散雲樓酒椀乾又上堂云三界無法
何處求心驚蛇入草飛鳥出林雨過山堂秋夜靜市
聲終不到孤岑據金粟之稱不標秀水海鹽未敢擅
錄但上堂語句彷彿茶鎮景象且諸方不聞有金粟
之名故載之以備考

金粟寺志凡例

一本山以鍾墳為後嶂查山為左輔角里為水口止餘峰巒拱衛前右相去稍遠故名不具載

一本山四至絲來甚寬如寺後西南尚有塔座今已屬民間只據其現存贖回者載之

一本山殿宇鼎建屢更而圖畫以今時規制為正一縣志所載本山大畧如始云茶亭次云茶院後

云廣慧寺各有年號若據明胡濙碑記云康僧至金粟構亭施茶朝廷聞之賜名茶院已而建寺居焉則茶院之名當在康僧時矣此恐訛矣姑依縣

志為正

一江南三刹戲自康僧金粟其一也金粟既以刹

著則吳赤烏間不止一茶亭明矣何數百年來寂寂無聞至末開寶方名茶院殆遭兵燹之變而更

新也耶此亦有疑并析出

一真修實行博學名曾從古至今未易枚但非

據位開法者僧法帙中不載

一本山前未有志唐宋谷公紀勝篇什多所遺失即國朝永樂縣志畧存一二今亦無處查考姑闕之以俟後補

一語錄序文不與本山關切隨處可通用者不載一有寺有山而僧法詩文隨之故列紀名目次第不紊

一題咏之中先古後今先儒後釋不以名位而拘一印樓經板如行狀單錄已見全錄之中判說闕書已載別集之內故板雖存而名不復贅

金粟寺志卷上

山峯石河井

結脉靈奇久矣天開地湧儲材廣厚灼然虎踞龍蟠樹石呈不雕之姿雲霞占傑出之瑞耆年宿衲仰止攸關韵士高人登臨永賴其可弗誌于是故首紀山名畧示勝概庶按圖以考十里宛在目前倘策杖而遊羣峯總憑脚下

金粟山

距嘉興府海鹽縣城西一舍餘循角里山左旋而入即招寶橋踰橋數百武再歷小橋進是為金粟寺門清河縈帶松竹參差凭高遠眺豁人心目舊載一云金玉以茲山秀銳獨居中前後左右有九十九峯聳出環遶如金玉之貴然山形象金若空洞足踐其地音響鏗然且來脈結局亦主兌位兌屬金此金粟之名所繇來也吳赤烏中庸僧會三臺法師構亭施茶久而建寺迄今千百餘載雖



金粟寺山圖總說

山居兌位寺向震方川岫繞圍竹松映蓋自康僧闡化名始著赤烏之天沿至宋代宏新時復崇御墨之賜殿閣崇而華幢動必葛聚而梵唄清廣濟橋邊招青舸以繫纜舍暉堂內約黃絹以題辭元豐之炳如像設之毫光示現若夫鯨音夜吼魚析晝鳴岫柳垂烟峯蘿擺月在在超聲而越色人人就路可家况值國運昌明濟宗再振慈雲密布不異鸞嶺當年法雨普霑盡曹源一象龍伏而野狂逃弄枝幹繁而林根永固所以披丁稽昔知興廢之有期列勝紀遠識傑靈之足重圖畫儼然在目匪僅曰壯麗是瞻景且偶爾成文敢質諸美共鑑因忘固陋用弁簡端

氣運隆替不等而遺澤猶自綿綿天啓四年甲子
春檀越蔡聯璧敦請密雲和尚悟住持七禩繼而
石車乘禪師又繼而費隱容禪師又繼而百癡元
禪師則茲山也亦何必奇巖怪石始具隻眼哉

峯石河井

九九峯

峯九十有九極秀麗望若列屏惟角里鍾墳查山

最近

三

聚寶石

即主山頂及落脉處周圍疊峯如聚寶然

生瑩石

萬曆丁巳僧建閣穿土掘出其雲篆剝落剩有丁

已數字今安禪堂前

門前河

水路四處可通亦名白鷗灘

十僧井

內潤一丈口潤二尺許深七八丈甘泉不窮足飲
千僧設轆轤有亭蓋其上在大殿左一

鳳眼井

二口碑亭前相對深僅丈餘俗稱主山飛鳳形井
為鳳眼不知鑿自何年

寺殿閣樓堂方丈厨寮房門亭院
坊橋臺埧田園

十方通暢毘離大室露真風八字打開舍衛講堂懸
慧日澹澹秋光欲滴明明春色無私固知肯搆之緣

四

不從偶爾深信主持之道端的在人夫豈曰法席
初興徒誇一時壯麗抑亦望箕裘繼起毋隳千載

具瞻云耳

廣慧禪寺

寺創自吳赤烏三藏康僧會始會從康居國來江
南以感舍利之祥杖策遊茲值盛夏構亭施茶宋
開寶二年己巳錢吳越國王賜名茶院後廸建寺
祥符戊申元年敕額曰廣慧高宗贈以御書時僧

徒繁集規制日即傑高樓紅碧互映迨皇明洪武
戊寅道雍僧示寂繼起者來得其人寺宇稍覺荒
荒涼宣德三年僧正傅毅然以恢復為已任踰歲
粟盈帛積仍還舊觀正統辛酉其徒宗源克紹師
志鐘樓藏閣摩加星辰山門大局可謂備矣嘉靖
間倭闖郊原樓殿半為灰燼久之僧眾寥落民宅
其地桑麻雜犬橫滿目前居士蔡璣壁偶感異夢
過茲山見古像風雨飄零嗟悼弗已於是鬻產竭

五

資先請僧廣道建大悲閣次請僧本彥建大雄殿
仍不憚跋涉間輓致請老如雪嶠信抱樸蓮皆
鮮克有終天啟甲子春敦請丞雲禪師主席大闡
宗風漸次贖回寺基若干畝闢大悲閣之左廡建
禪堂五間十三架更以餘材夾殿之翼輔以周廊
復於大悲閣之右鑿山開址為大室而天王寢殿
與齋庫庖渴之屬悉皆鼎新崇禎五年壬申春石
車禪師繼席復董成其事撤大悲閣於禪堂之後

為藏堂即大悲閣基為法堂并建祖堂於法堂之
左戊寅春遷化蔡璣壁等以叢林浩大不可一日
無人廵謀諸宰官敦請費隱禪師住持數年來法
化大行從前所未有者如塋院碑亭船坊及且過
延壽二堂等處俱已煥然畢備禪刹之興於斯為
盛其寺基自萬曆丁巳至崇禎辛巳計二十五年
共贖置二十二畝六分東至行河西至主山南至
袁家衙北至陳宅舊說寺基四至尚寬不具載

六

大雄寶殿

高六丈餘深五丈廣亦如之重簷結角外有小遊
廊廊前石砌月臺高二尺許崇禎庚午春睿雲禪
師書額其上

天王殿

有勅賜寺額末景祐翰林將暉書其傍立石碑一
方明正統己巳毘陵胡浚謨文

藏經閣

宋熙寧間箋書大藏經六百餘函并高宗御書法

帖十卷珍崇於此張寧詩有南渡龍章千古在西

來像法一燈懸之句今廢

輪藏閣

在殿西茶房後今廢火石盤尚存

大悲閣

萬曆丁巳僧廣道建今移在禪堂後密雲禪師匾

曰法寶閣

鐘樓

嘉靖間倭變燬

方丈樓

即今丈室在法堂之右

刷印樓

在方丈樓後

含暉堂

規制甚壯麗今廢載縣志

正受堂 亦廢

法堂

即大悲閣舊址也高六丈餘深而且廣中有法座

皆青石磨砌座已昏几曲承牀悉備崇禎丙子春

密雲禪師書額又宗伯董其昌匾曰獅子吼旁重

與金粟寺碑二附壁

祖堂

在法堂之左中設密雲禪師像內閣顧錫疇額曰

本山禪宗始祖亦名官客堂

戒堂

在法堂之左側

齋堂

在殿西甚深廣密雲禪師書額

禪堂

在法堂前左密雲禪師書額宗伯董其昌匾曰

選佛場

藏堂

即大悲閣下

伽藍堂

在佛殿前左

祖師堂

在佛殿前右

東客堂

在佛殿左側

西客堂

佛殿右側

且過堂

舊係東南房崇禎癸未年費隱禪師贖置亦名南

客堂

女客堂

齋堂右

延壽堂

在塲院前

涅槃堂

延壽堂西側

古方丈今廢

方丈

匾係密雲禪師自書上有樓峯巒疊翠遠望快然

香積厨

在齋堂後

退步寮

祖堂東崇禎辛巳孝廉唐元滋掩關於此今為首

座寮

知事寮

即蓮社居在方丈前石海盞徐光治昌治書額

值歲寮

在東客右

七間寮

九

十

在方丈後印樓下具執事寮

西堂寮

戒堂側

知客寮

在東客堂左

合室寮

法堂右與禪堂對亦且過客寮

衆行寮

天王殿左右相配

塼後寮

四間在普同塔後

庫房

西客堂後密雲禪師時作文室

順治庚寅火百廢禪師改向重建

浴房 在齋堂右

磨房 香積廚後有大石磨圍一大餘

碓房 伽藍堂左碓大小有七

守船 在普同塼前之左

田房 寺外之右

園房 在寺外

古山門 在天王殿之中海豔徐光治凡宅不宜聞震

山門 在天王殿前之左鄉紳沈胤芳額曰古金粟寺

茶亭 康曾施茶時構止末野寶錢吳越王造此賜名

井亭 東客堂後

車亭 六角在田房前河側中設輪車一張取水灌溉

碑亭 在天王殿前蔡聯璧書密雲彌布四字與五聖

茶院 詳前今俗亦呼此方為茶院

塼院 在祖堂之東崇禎庚辰年建內石塔石碑各二

前有娑羅樹兩株及檜栢森列其旁

船舫 與守船房毗連

廣濟橋 形如拱日上砌石欄相傳康僧時所造亦名

化人臺 舊在外園房東首以稍遠非便今在寺內塔

密雲禪師遺衣塼 時塼院內之中崇禎癸未法嗣費聰

十一

十二

石重禪師塔時院內之左崇禎庚辰法顯息乾元等

普同壇內石穴四上有亭周圍木欄費德禪師重修

二首座塔明成化年造今廢其楹心蓮盤已移別處一百正堂首座一湮沒失名不可考又山西南有壇宇

不知何許時

寺右田 計四十六畝六分桑地在內旁構田房一座

寺東角田 去寺里計六畝今名畝田連前項俱空雲禪師置辛卯冬陸人張某以寺右田加價契議退此於通期當還拾五畝補入寺田

寺西北田 在法車橋計十八畝孝惠冷蘇習同姪君戴拾

河東園 計五畝九分以寺前河濱欲疏廣為半月池費德禪師置頃治己丑六年百歲禪師增八五畝

寺後園 計一十五畝分百棟園房一進咨禪師置后觀周

寺內園 共兩處畝數總屬寺基不載以上田園寺基籍與在餘數共

僧 吳明清

有寺以居僧一榻青松儘多佳趣有僧以主寺十年紺殿不掛俗塵或顯異他方而開迷破暗或豎幢此地而演教印宗名上達乎紫垣德遍及於寰宇盡道密雲彌布豈徒然哉僉曰佛日重光誠確論耳故錄出以為圓顛龜鑑庶相沿可無菜腹之譏

吳

開山康僧會法師

十四

師姓康名僧會康居國大空相長子也出家勵行甚峻三藏六經無不博覽吳赤烏四年至建康營立茅茨設像行道國人和見驚異之有司奏聞孫權曰是漢明帝所夢佛道之遺風邪詔至問狀師進曰如來大師化已十年然靈骨舍利神應無方昔阿育王奉之為八萬四千塔此其遺化也權以為誇誕曰舍利可得當為塔之苟其無驗國有常

刊師請期七日謂徒屬曰大法廢興在此一舉當
加意洗心潔齋懇求至期無諍乃展二七又無應
權趣烹之師默念佛名真慈夫豈違我哉更請展
期又七日五鼓聞鑼然有聲起視餅中光明錯發
大呼曰果我願矣黎明進之權與公卿聚觀歎曰
希世之瑞也師又言舍利威神一切世間無能壞
者權使力士搥之砧碎而光明自若乃為建塔於
佛陀里并建寺奉師居焉額曰建初後孫皓即位

十五

下令偏毀神祠波及梵宇臣僚諫曰先帝感瑞取
寺不可毀也皓遣張昱往告師師挫其辭理辨鋒
山豈不能屈歸以師才高聞皓召至問曰佛言善
惡報應可得聞乎師曰明主以孝慈治天下則赤
烏翔而老人星現以仁德育萬物則醴泉列而嘉
木茁善既有應惡亦如之故為惡於隱鬼得而誅
之為惡於顯人得而誅之易稱積善餘慶詩美求
福不回雖儒典之格言即佛教之明訓皓曰然則

周孔既明安用佛教師曰周孔不欲深言故畧示
其跡佛教不止淺言故詳示其要皆為善也聖人
惟恐善之不多陛下以為嫌何也皓無以酬遂罷
他日宿衛治園得金象皓使置穢處家不潔以為
笑樂俄得腫疾晝夜呻吟占者曰坐犯神祠禱諸
廟弗效宮人有奉佛者曰乃不請福於佛邪皓仰
視曰佛神若是怪乎曰佛之威靈視神如天淵皓
乃悟曰吾以慢像致此耳趣迎像供事仍請師說

十六

法悔罪師為闡示玄要及授五戒少頃疾愈繇是
待以師禮崇錡寺增師譯經十四部凡三十卷天
紀四年庚子秋立化天禧晉孫綽贊云會公蕭瑟
實惟令賢心無近累情有餘逸屬此幽夜振彼尤
黠超然遠詣卓矣高出其像騰空入海放光金粟
詳載于後

明

密雲悟和尚

師諱圓悟字覺初家雲其別號也宜興蔣氏子依
樵為業年二十有七負擔度山曲觸積薪于路忽
有省恒自返照雖穿城市涉俗緣不少間越兩年
棄室又明年父送之龍池山岳門禪院投幻有傳
公出家備嘗勞苦不廢忝究爾時看得心境兩立
與古人天地同根萬物一體語未能契合因請益
幻幻云汝若到這田地便乃放身倒臥嗣後唯加
罵詈師慚悶交感以致危疾二七日方蘇已而掩
關越三禩幻入都門以院事屬師十七一日過銅官山
頂豁然大悟尋北上覲幻幻問汝離老僧三年有
新會處師云有幻云有什麼新會處師云一人
有慶萬人樂業幻云汝又作麼生師問訊云某甲
持來觀和尚幻云念子遠來放汝三十棒師使出
未幾辭幻南還幻囑以書曰但適意處斷不可住
不適意處作急走過恁麼行去不要託款待十字
路口有個跛足呵師與汝印正我自來召汝師於

是歸龍池登九華泛普陀陟天台歷覽吳越凡四
載幻召之歸問云汝這幾年曾見什麼人即以脚
打地手拍膝幻云汝在外幾年一點氣息也無師
云和尚疑則別忝一日幻十八座召師前舉拂問云
諸方還有這個麼師震威一喝幻云好一喝師連
喝兩喝歸位幻云再喝一喝看師即出法堂次日
付師衣拂師辭不受幻云汝何意思師云直待和
尚天年守壇三載然後可行則行當止則止又一
日幻云老僧昨夜起來走一三把柄都在手裏汝
等為我扶持佛法師呈偈云若據某甲扶佛法任
他○ ○ ○都來總與三十棒聖道分明為貴
罰幻大笑師接來付火時年四十有八也萬曆甲
寅幻入滅師伴柩三載丁巳歲請開法龍池大啓
癸亥住天台通玄甲子春監官蔡聯璧迎主金粟
於五月六日入院閱五載古瓦頽掾輩為寶坊龍
象駢闐滿萬餘指崇禎庚午受黃靈樂請繼主育王

天童二刹迨壬午春師拂衣上通玄似有去世之意秋七月日馮沾微疾七日午時奄然坐化流光夜照四山變日壽七十七臘四十七全身迎謁捨天童幻智庵石甌分法衣塔本寺左嗣法弟子十有二人語錄十二卷刊行板存印樓上

石車乘禪師

師諱通乘金華朱氏子禀性樸實常喜靜坐年十七偶閱籠居士問石期不與萬法為侶者是什麼

十七

人語大起疑情遂往天真庵靖益海藏師云若是大丈夫要在自己體究師回至家中燃臂香立誓以七日為限至第四日夜半風聲一響人空境寂無物可當情從此世態漸輕決志出家仍往天真菴依藏回到杭州瑤瑤寺薙髮時湛然和尚蕭山開講師往聽并授具次到龍居忽聞隣單求氣六祖云不思善不思惡正真麼時那個是明上座本來面目忽然有省年已三十矣是廼策杖遍

叅江湖者宿越三載往金粟謁密雲和尚雲問那裏來師云雲門來幾時起身師打圓相雲云雲云莫亂統師云十里同風特來親領痛棒雲云既十里同風又來作麼師翹左足雲云未在師翹右足雲云錯也師云風吹別調中雲休去結冬命職維那入室次雲問世尊拈花迦葉微笑作麼生師云向日穿針雲連棒打退師大悟懷香禮謝雲復手曰我手何似佛手師拂袖便出至偈曰我手何似佛手赤脚蓬頭便走直得透上玄關管教合取狗口雲宵之久遷都事一日領眾作務雲云我在龍池為都監做在人前師云虛名要他作麼雲云如何是實處汝師劈面一掌雲連棒云我終日與你偈但大有因緣師喝云好事不如無雲大罵起出崇禎庚午春雲赴福州黃檗靖留師領眾冬雲回退院師亦辭雲住山呈偈云都事尋常日用彰從師七載暗相當放開密跡天昏黑動轉施為

佛祖藏又云化個無緣去刈葺善天善地赤條條
三食茶飯無餘事喝碎孤峯亘古標竟往餘杭山
中抵關後武林僧俗靖住隆慶甫一載居士蔡聯
璧張萬里鍾鴻穎鄭明鐸吳麟祥陳東序董仁緒
吳壯輿等靖主金粟師即至天童省觀雲付源流
衣拂於壬申歲二月廿二入院戊寅春示疾陞座
辭衆云山僧倦於世緣欲大休歇汝等事作麼生
言畢目顧大衆歸方丈逾數日衆乞留偈師書云

主

湛然常寂不容身寂滅根源一體真不因大衆來
相請爭得臨行一句親時有僧問此後向甚處真
和尚相見師云這界不曾藏僧作禮云怎麼則向
這裏與和尚相見去也師云且莫錯認居士蔡樂
璧至師黥眇云待汝士云和尚當句分付師展兩
手夜半泊然而逝壽四十六停龕兩載闍維塋於
本山之左

費隱容禪師

師諱通容姓何俗諱懋浙閩之福清江陰人也年
十四禮鎮東衝慧山為祝髮師首叅壽昌提狗子
無佛性話終奮心身遠忘履食迨五鼓身世俱空
話頭脫落目前虛逼逼地急趨見壽云今日看破
和尚家風了也壽云汝有什麼見處師一喝壽云
是事不恁麼師統一匝壽云社如世尊拈花意旨
如何師舉袖便出於是日用自作主宰遙扣雲門
博山諸老宿皆不能了手乃有偈見志云吾年二

主

十五氣海吞佛祖不過古人關豈踏今時路時雲
門四處開講師又親炙數祀沁入玄解門亦屢命
代座但自覺此事不體貼終不休歇天啓壬戌秋
密雲和尚受天台請路憩吼山師聞之冒雨往謁
問覲面相提事若何雲便打師云錯雲人打師盡
力一喝雲復打師復唱至第七打頭顱幾裂所有
伎倆知見泮然冰釋直下分明似塊鈍鉄一啗乃
辭去閉關後復上天台省觀雲問薰風自南來殿